

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina IV - Broj 22

Četvrtak, 15. juni/lipanj 1995.
SARAJEVO

Akontacija pretplate
se utvrđuje
kvartalno

275

Na osnovu Amandmana LXXV na Ustav Republike Bosne i Hercegovine i člana 34. stav 2. Zakona o Vladi Republike Bosne i Hercegovine ("Službeni list RBiH", broj 13/94), Vlada Republike Bosne i Hercegovine, na sjednici održanoj 3. juna 1995. godine, donijela je

ODLUKU

O OBUSTAVI OD IZVRŠENJA AKTA ODNOSNO RADNJE SKUPŠTINE OPĆINE KONJIC OD 10. 04. 1995. GODINE KOJIM JE UTVRĐENO DA CERO MEHMED, SEAD RIBIĆ I MUHAREM KOZIĆ IMAJU STATUS ODBORNIKA U SKUPŠTINI OPĆINE KONJIC

I

Obustavlja se od izvršenja akt odnosno radnja Skupštine općine Konjic sa sjednice Skupštine općine Konjic od 10. 04. 1995. godine u dijelu koji se odnosi na to:

- da CERO MEHMED, SEAD RIBIĆ i MUHAREM KOZIĆ imaju status odbornika u Skupštini općine Konjic,
- i da se mijenja lista odbornika od januara 1994. godine i ukida mandat odbornicima LEPARA OMERU, LARIĆ MUSTAFI i BOLOBAN SALKI, a vraća se mandat odbornicima CERO MEHMEDU, RIBIĆ SEADU i KOZIĆ MUHAREMU.

II

Potrebno je da Skupština općine Konjic, prije održavanja konstituirajuće sjednice Općinskog vijeća Konjic, odluči o valjanosti mandata odbornika iz tačke I ove odluke, u skladu sa Zakonom o izboru odbornika i poslanika u skupštine DPZ ("Službeni list SRBiH", br. 21/90 i 28/90 i "Službeni list RBiH", br. 12/92, 22/93 i 9/95) i propisima donesenim na osnovu ovog zakona.

III

Akt odnosno radnja SO Konjic iz tačke I ove odluke se odlaže od izvršenja do donošenja odluke iz tačke II ove odluke.

IV

Ova odluka objavljena je na oglasnoj tabli Vlade RBiH dana 3. juna 1995. godine kada je stupila na snagu, a objavit će se u "Službenom listu RBiH".

V broj 91/95
3. juna 1995. godine
Sarajevo

Po ovlaštenju predsjednika
Vlade RBiH, ministar,
Munever Imamović, s. r.

276

Na osnovu člana 124. stav 2. Zakona o državnoj upravi - Novi prečišćeni tekst ("Službeni list RBiH", broj 26/93), ministar odbrane, donosi

UPUTSTVO

O ZNACIMA OPASNOSTI I POSTUPCIMA GRADANA DOK TRAJU TE OPASNOSTI ZA VRIJEME RATNOG STANJA

1. Ovim uputstvom propisuje se znak opšte opasnosti, znak opasnosti od upotrebe hemijskih sredstava (u daljem tekstu: hemijska opasnost), znak za prestanak tih opasnosti, način emitovanja tih znakova i postupci gradana za vrijeme trajanja tih opasnosti.

2. Znak opšte opasnosti je signal koji se daje za slučaj da gradu ili drugom naseljenom mjestu prijete neposredna opasnost od borbenih dejstava, koja nastaju upotrebom zrakoplovnog, artiljerijskog, pješadijskog i drugog oružja i oruda.

3. Znak za hemijsku opasnost je signal koji se daje za slučaj kada se utvrdi da su upotrebljena hemijska sredstva (bojni otrovi), koja mogu ugroziti život i zdravlje ljudi na određenom području.

4. Signal za opštu opasnost emituje se sirenom u neprekidnom zavijajućem tonu u trajanju od 60 sekundi.

5. Signal za hemijsku opasnost emituje se sirenom sa tri zavijajuća tona u trajanju od po 20 sekundi između kojih su dvije pauze u trajanju od 15 sekundi. Ukupno trajanje signala je 90 sekundi.

6. Signal za prestanak opšte opasnosti i hemijske opasnosti emituje se sirenama u neprekidnom jednoličnom tonu u trajanju od 60 sekundi.

7. Izuzetno, ako na području opštine ne postoje sirene za emitovanje signala, za emitovanje signala iz tač. 4, 5. i 6. ovog uputstva mogu se koristiti priručna sredstva (crkvena zvona, rogovi, čegrtaljke i dr.).

Izvršni odbor opštine, odnosno grada Sarajeva, utvrdit će način emitovanja tih signala putem sredstava iz stava 1. ove tačke.

8. Postupci gradana po objavljivanju znaka opšte opasnosti su:

a) u stanu:

- da se sklope u svoje ili najbliže sklonište ili drugi zaštitni objekat ili bezbjedniji dio stana ili zgrade;

- da prije napuštanja stana isključe struju, vodu, plin, otvore prozore i sa sobom ponesu neophodne stvari za duži boravak u skloništu (hranu, vodu, toplu obuću i odjeću, čebad i dr.);

- da kretanje van stana ili zgrade svedu na najmanju moguću mjeru i to na područja koja nisu zahvaćena neposrednim borbenim dejstvima;

- da posebnu pažnju posvete sklanjanju djece i spriječe njihovo kretanje van mjesta određenog za sklanjanje;

- da u toku noći izvrše potpuno zamračivanje stana.

b) na ulici - javnom mjestu:

- ako su počela borbena dejstva, odmah se skloniti u najbliže sklonište ili drugi zaštitni objekat na mjestu gdje su zatečeni, a po prestanku tih dejstava što hitnije se vratiti u stan, odnosno na radno mjesto ako je bliže od stana;

- ako borbena dejstva još nisu počela, odmah se vratiti u stan, odnosno na radno mjesto, ako je bliže od stana;

- ako se zateknu u vozilu, odmah postupiti na način predviđen u alinejama 1. i 2. ove podtačke.

c) na radnom mjestu:

- da prekinu rad i sklone se u sklonište ili drugi zaštitni objekat predviđen za sklanjanje radnika u državnim organima, preduzećima i drugim pravnim licima;

- da prije napuštanja radnih prostorija isključe struju, vodu, plin, a tehnička sredstva i važniju opremu (računari, računarska oprema, biblioteke softvera i diskete, značajniju dokumentaciju i druge vrijednosti) sklone na bezbjednija mjesta u istoj ili drugoj prostoriji i zaštite od mogućih oštećenja i otuđivanja.

9. Postupci građana po objavljivanju znaka hemijske opasnosti su:

a) u zatvorenom prostoru:

- da obavezno upotrijebe komplet za ličnu zaštitu građana (zaštitna maska i zaštitni ogrtač) ili priručna sredstva (krpa navlažena u blagom rastvoru deterdženta koja se stavlja na organ za disanje i kišna kabanica);

- da se zatvore svi otvori (prozori, vrata i drugi otvori) i po mogućnosti izvrši njihova hermetizacija (oblaganje vlažnih krpa oko otvora);

- da posvete posebnu pažnju zaštiti djece;

- da boravak u zaštitnim objektima i zaštitna sredstva koriste do davanja signala o prestanku opasnosti.

b) na otvorenom prostoru:

- da organe za disanje zaštite dijelovima sopstvene odjeće;

- da hitno potraže i sklone se u najbliže sklonište ili drugi zaštitni objekat.

10. Državni organi, preduzeća i druga pravna lica, radnicima koji nisu došli na posao zbog opšte opasnosti, dužni su uvažiti te okolnosti i opravdati izostanak sa posla.

Radnicima koji su se u toku trajanja opšte opasnosti zatekli na radnom mjestu treba omogućiti povratak kući u vrijeme za koje se ocijeni da je najbezbednije za povratak što može biti u toku trajanja ili nakon isteka radnog vremena.

11. Naredbu za davanje signala opšte opasnosti i signala hemijske opasnosti, kao i signala za prestanak tih opasnosti daju nadležne komande oružanih snaga Republike Bosne i Hercegovine ili štab civilne zaštite obrazovan u okviru organizacione jedinice Ministarstva u opštini, kada na osnovu prikupljenih podataka ocijeni da će doći do borbenih dejstava, odnosno da je došlo do upotrebe hemijskih sredstava, odnosno kada dode do prestanka tih opasnosti.

Emitovanje signala prema naredbama iz stava 1. ove tačke, vrše opštinske odnosno okružne jedinice osmatranja i obavještavanja.

12. Štabovi, jedinice i povjerenici civilne zaštite dužni su da u periodu trajanja opšte opasnosti preduzimaju naročito slijedeće mjere:

- da usmjeravaju građane u skloništa i druge zaštitne objekte i upozoravaju ih na zabranu kretanja;

- da obezbijede dežurne ekipe prve medicinske pomoći na određenim punktovima za prihvatanje povrijeđenih građana;

- da provedu sve neophodne preventivne mjere zaštite od požara;

- da vrše kontrolu isključivanja izvora električne energije, vodovoda i plinovoda na glavnim ventilima i sklopovima zgrada;

- da stalno vrše pregled ispravnosti i upotrebljivosti skloništa i drugih zaštitnih objekata u stambenim i drugim zgradama i da preduzimaju mjere da se ta skloništa stalno drže u ispravnom stanju;

- da putem sredstava javnog informisanja i drugim načinima stalno obavještavaju građane o opasnostima i mjerama koje treba preduzimati u toku trajanja opšte, odnosno hemijske opasnosti.

13. Nadzor nad sprovođenjem ovog uputstva vrše štabovi civilne zaštite pri organizacionim jedinicama Ministarstva u opštini i okrugu.

14. Danom stupanja na snagu ovog uputstva, prestaje da važi Uputstvo o znacima opasnosti i postupcima građana dok traju te opasnosti za vrijeme ratnog stanja broj 04.2-243/94 od 28. 01. 1994. godine.

15. Ovo uputstvo stupa na snagu danom objavljivanja u "Službenom listu RBiH".

MO broj 02-11-37/95

13. juni 1995. godine

Sarajevo

Zamjenik ministra

Muhamed Lemeš, s. r.

277

Na osnovu člana 27. Zakona o porezu na plaću ("Službeni list RBiH", br. 5/95 i 9/95) i člana 19. Zakona o doprinosima za socijalno osiguranje ("Službeni list RBiH", br. 5/95 i 9/95), ministar finansija, donosi

UPUTSTVO

O NAČINU OBRAČUNA I PLAĆANJA POREZA NA PLAĆU I DOPRINOSA ZA SOCIJALNO OSIGURANJE

I - OPĆA ODREDBA

1. Ovim uputstvom propisuje se način obračuna i plaćanja poreza na plaću i doprinosa za socijalno osiguranje iz plaća i drugih ličnih primanja na teret osiguranika i na teret poslodavca.

2. Stopa poreza iz čl. 10. i 12. Zakona o porezu na plaću i stope poreza za socijalno osiguranje iz člana 10. Zakona o doprinosima primjenjuje se na bruto plaću i druga lična primanja obveznika.

II - OBRAČUN POREZA NA PLAĆU

3. Plaćom u smislu tačke 1. ovog uputstva za obračun poreza na plaću smatra se bruto plaća i ostala lična primanja iz člana 6. Zakona o porezu na plaću i dodatna primanja iz člana 7. Zakona o porezu na plaću.

III - DODATNA PRIMANJA

4. Predmet oporezivanja u skladu sa članom 5. Zakona o porezu na plaću su i dodatna primanja. Dodatnim primanjima utvrđenim u članu 7. Zakona o porezu na plaću smatraju se: regres za godišnji odmor, dnevica za službena putovanja i otpremnina kod odlaska u penziju isplaćeni iznad iznosa dozvoljenih zakonom i drugim propisima.

Za vrijeme ratnog stanja i u slučaju neposredne ratne opasnosti radnik nema pravo na regres pa se i ne može obračunavati i isplaćivati radniku.

Dnevica za službena putovanja isplaćena iznad iznosa dozvoljenog Uredbom o naknadama za putne troškove ("Službeni list RBiH", broj 7/95) i Rješenja o najvišim iznosima dnevnica za službena putovanja ("Službeni list RBiH", broj 10/95).

Naknada za ishranu radnika u toku rada isplaćena iznad iznosa dozvoljenog u Zakonu o plaćama i drugim ličnim primanjima radnika ("Službeni list RBiH", broj 21/95).

Otpremnina kod odlaska u penziju isplaćena iznad iznosa dozvoljenog u Zakonu o plaćama i drugim ličnim primanjima radnika.

5. Dodatnim primanjima utvrđenim u članu 7. Zakona o porezu na plaću ne podrazumijevaju se isplate koje se u vidu pomoći isplaćuju radniku u gotovu, osim naknada i pomoći utvrđenih u čl. 14. i 15. Zakona o plaćama i drugim ličnim primanjima radnika.

IV - UMANJENJE PORESKE OBAVEZE

6. Pod mjesečnom plaćom iz člana 12. Zakona o porezu na plaću, koja služi za izračunavanje umanjenja poreske obaveze obvezniku, podrazumjeva se prosječna mjesečna bruto plaća zaposlenog u Republici, prema posljednjem poznatom podatku Državnog zavoda za statistiku.

Ako iznos umanjenja poreske obaveze utvrđene na način iz prethodnog stava bude veći od iznosa obračunatog poreza na plaću radnika, umanjenje se vrši do tog iznosa.

Umanjenje iz člana 12. Zakona o porezu na plaću vrši se na osnovu pismene izjave korisnika-obveznika.

Povlastice iz člana 12. Zakona o porezu na plaću ima pravo obveznik koristiti ako izdržava bračnog druga koji nije u radnom odnosu, djecu od 0,1 godine starosti do 18. kao i djecu do 27. godina starosti ako su na školovanju na višoj školi ili fakultetu i djecu pripadnike oružanih snaga a nisu u radnom odnosu a žive u zajedničkom domaćinstvu.

7. Visinu poreza na plaću i obračun utvrđuje i obračunava isplatilac plaće za svakog poreskog obveznika za svaku pojedinačno isplaćenu plaću u skladu sa čl. 16. i 18. Zakona o porezu na plaću.

V - OBRAČUN DOPRINOSA ZA SOCIJALNO OSIGURANJE

8. Plaćom u smislu tačke 1. ovog uputstva za obračun doprinosa za socijalno osiguranje iz ličnih primanja i drugih prihoda na teret osiguranika, čini ukupan iznos bruto plaća i drugih ličnih primanja iz člana 6. tačka a i člana 7. Zakona o doprinosima za socijalno osiguranje.

9. Plaća kao trošak poslodavca, za obračun doprinosa za socijalno osiguranje je bruto plaća kojom se naknadjuje rad radnika zaposlenih kod poslodavca u skladu sa članom 8. Zakona o doprinosima za socijalno osiguranje.

10. Osnovica za obračun poreza na plaću i doprinosa za socijalno osiguranje za obveznike koji samostalno obavljaju djelatnost je njegova obračunata bruto plaća koja ne može biti manja od prosječne bruto plaće zaposlenog radnika u Republici prema posljednjem poznatom podatku objavljenom od Državnog zavoda za statistiku.

11. Osnovica za obračun poreza na plaću i doprinosa za socijalno osiguranje, za obveznike koji ostvaruju prihod od autorskih honorara, a koji nije u radnom odnosu i nije obveznik doprinosa po drugom osnovu, čini prosječna bruto plaća zaposlenog radnika u Republici prema posljednjem poznatom podatku objavljenom od Državnog zavoda za statistiku.

12. Osnovica za obračun doprinosa za socijalno osiguranje za obveznika koji ostvaruje isključivo prihod od poljoprivrede i kojem je poljoprivreda osnovno zanimanje, čini prosječna bruto plaća zaposlenog radnika u Republici prema posljednjem podatku objavljenom od Državnog zavoda za statistiku.

VI - OBRAČUN DOPRINOSA NA TERET OSIGURANIK A

13. Obračun doprinosa na terete osiguranika vrši isplatilac odnosno obveznik primjenom propisanih stopa iz Zakona o doprinosima za socijalno osiguranje.

VII - OBRAČUN DOPRINOSA ZA SOCIJALNO OSIGURANJE NA TERET POSLODAVCA

14. Obračun doprinosa za socijalno osiguranje na isplaćena lična primanja na teret poslodavca vrši pravno i fizičko lice poslodavac koji zapošljava radnike primjenom propisanih stopa iz člana 10. na plaću i druga primanja iz čl. 6. i 7. Zakona o doprinosima za socijalno osiguranje.

15. Plaćom u smislu tačke 14. ovog uputstva ne podrazumjeva se plaća iz dobiti. To znači da se na plaću iz dobiti ne obračunavaju doprinosi za socijalno osiguranje na teret poslodavca.

16. Obračun doprinosa za socijalno osiguranje na isplaćena lična primanja na teret poslodavca vrši se istovremeno sa obračunom poreza i doprinosa iz ličnih primanja i drugih prihoda na teret osiguranika.

VIII - UPLATA POREZA I DOPRINOSA

17. Isplatilac plaće dužan je obustavljene poreze i doprinose iz ličnih i na lična primanja uplatiti prilikom svake isplate mjesečne plaće i drugih primanja na uplatne račune otvorene u jedinicama Zavoda za platni promet Republike Bosne i Hercegovine (u daljem tekstu: Zavod) i to:

jednim nalogom obustavljen porez na plaću;

jednim nalogom obustavljene doprinose za socijalno osiguranje; (penzijsko i invalidsko osiguranje, zdravstvo i nezaposlenost).

18. Obračun doprinosa za zdravstveno osiguranje za obveznike koji su upućeni na rad u druge države, plaća se u skladu sa članom 7. stav 2. Zakona o doprinosima za socijalno osiguranje na uplatni račun kod Zavoda.

19. Obračun i uplatu poreza na dodatna primanja po osnovu dnevnica obveznik je dužan sačiniti i uplatiti svakog 15. u tekućem mjesecu za pravdane putne troškove iz prethodnog mjeseca.

IX - KONTROLA OBRAČUNA I UPLATE POREZA I DOPRINOSA

20. Kontrolu obračuna i uplate poreza i doprinosa vrši Finansijska policija. Preventivnu kontrolu obračuna i uplate poreza i doprinosa vrši Zavod prilikom svake pojedinačne isplaćene plaće i drugih ličnih primanja. Zavod je dužan da obustavi isplatu plaća i drugih ličnih primanja ako nije izvršen obračun i plaćanje poreza i doprinosa na plaću i druga lična primanja u skladu sa zakonom.

X - POVRAT VIŠE OBRAČUNATIH I UPLAĆENIH POREZA I DOPRINOSA

21. Više uplaćena obaveza poreza i doprinosa može se koristiti kao akontacija za te obaveze za naredni mjesec.

XI - PRIJELAZNE I ZAVRŠNE ODREDBE

22. Danom stupanja na snagu ovog uputstva prestaje primjena dosadašnjih uputstava i drugih podzakonskih akata kojima je regulisan obračun i plaćanje doprinosa i poreza na plaću i druga primanja.

23. Ovo uputstvo stupa na snagu osmog dana od dana objavljivanja u "Službenom listu RBiH".

Broj 05-021-3778/95
28. maja 1995. godine
Sarajevo

Zamjenik ministra,
dr Izudin Kešetović, s. r.

Po izvršenom savjetovanju sa izvornim tekstom utvrđeno je da su se u tekstu Uredbe o upisu u sudski registar preduzeća i drugih pravnih lica koja obavljaju privrednu djelatnost ("Službeni listi RBiH", broj 16/95), potkrale niže navedene greške, pa se na osnovu člana 102. Poslovnika Vlade Republike Bosne i Hercegovine ("Službeni list RBiH", broj 2/94), daje

ISPRAVKA**UREDBE O UPISU U SUDSKI REGISTAR
PREDUZEĆA I DRUGIH PRAVNIH LICA KOJA
OBAVLJAJU PRIVREDNU DJELATNOST**

1. U članu 13. stav. 2. umjesto broja: "10" treba da stoji broj: "9".
2. U članu 15. umjesto broja: "16" treba da stoji broj: "14".
3. U članu 16. umjesto broja: "16" treba da stoji broj: "14".
4. U članu 21. umjesto broja: "21" treba da stoji broj: "20".
5. U članu 22. umjesto broja: "21" treba da stoji broj: "20", a umjesto broja: "31" treba da stoji broj: "30".
6. U članu 31. umjesto brojeva: "29 do 31" treba da stoje brojevi: "28 do 30".
7. U članu 35. umjesto broja: "27" treba da stoji broj: "26".
8. U članu 36. umjesto brojeva: "19 i 20" treba da stoje brojevi: "17 i 18".
9. U članu 37. umjesto brojeva: "29 i 30" treba da stoje brojevi: "28 i 29".

Broj 06-325-1/95
8. juna 1995. godine
Sarajevo

Iz Sekretarijata za zakonodavstvo
Vlade RBiH, pomoćnik sekretara,
Munevera Čaušević, s. r.

Državni zavod za statistiku

SAOPŠTENJE - SAOPĆENJE**PROSJEČNA PLAĆA APRIL/TRAVANJ 1995. GODINE**

1. Prosječna plaća po radniku u Republici Bosni i Hercegovini u mjesecu aprilu/travnju 1995. godine iznosi 3580 BHD. U odnosu na prethodni mjesec indeks je 93,5.
2. Prosječna plaća po radniku u privredi Republike Bosne i Hercegovine u mjesecu aprilu/travnju 1995. godine iznosi 3283 BHD. U odnosu na prethodni mjesec indeks je 91,7.
3. Prosječna plaća po radniku u vanprivredi Republike Bosne i Hercegovine u mjesecu aprilu/travnju 1995. godine iznosi 5353 BHD. U odnosu na prethodni mjesec indeks je 121,6.
4. Prosječna plaća po radniku u Republici Bosni i Hercegovini u periodu februar/veljača 1995. - april/travanj 1995. godine iznosi 3383 BHD, u odnosu na prethodni period indeks je 104,1. U istom periodu prošle godine prosječna plaća iznosila je 216 BHD.
5. Prosječna plaća po radniku u privredi Republike Bosne i Hercegovine u periodu februar/veljača 1995. - april/travanj 1995. godine iznosi 3054 BHD, u odnosu na prethodni period indeks je 103,8. U istom periodu prošle godine prosječna plaća je iznosila 190 BHD.
6. Prosječna plaća po radniku u vanprivredi Republike Bosne i Hercegovine u periodu februar/veljača 1995. - april/travanj 1995. godine iznosi 4562 BHD, u odnosu na prethodni period indeks je 109,9. U istom periodu prošle godine prosječna plaća je iznosila 317 BHD.
7. Prosječna plaća po radniku u Republici Bosni i Hercegovini u mjesecu aprilu/travnju 1995. godine bez regije Bihać iznosi 3303 BHD.

Broj 67
10. juni 1995. godine
Sarajevo

Direktor
dr Hasan Zolić, s. r.

Na osnovu člana 8. Uredbe sa zakonskom snagom o porezu na plaću ("Službeni list RBiH", broj 5/95), Državni zavod za statistiku Republike Bosne i Hercegovine objavljuje

**SAOPŠTENJE - SAOPĆENJE
O PROSJEČNOJ BRUTO PLAĆI
ZAPOSLENIH U REPUBLICI BiH
APRIL/TRAVANJ 1995. GODINE**

1. Prosječna bruto plaća po radniku u Republici Bosni i Hercegovini u mjesecu aprilu/travnju 1995. godine iznosi 6281 BHD.
2. Prosječna bruto plaća po radniku u privredi Republike Bosne i Hercegovine u mjesecu aprilu/travnju 1995. godine iznosi 5760 BHD.
3. Prosječna bruto plaća po radniku u vanprivredi Republike Bosne i Hercegovine u mjesecu aprilu/travnju 1995. godine iznosi 9391 BHD.

Broj 68
10. juni 1995. godine
Sarajevo

Direktor
dr Hasan Zolić, s. r.

Na osnovu člana 85. tač. 1. do 11. Uredbe sa zakonskom snagom o računovodstvu ("Službeni list RBiH", broj 2/92), Državni zavod za statistiku, utvrđuje

KOEFICIJENTE**RASTA CIJENA I KOEFICIJENTE RASTA
TROŠKOVA ŽIVOTA U RBiH U MAJU/SVIBNJU 1995.**

1. Mjesečni koeficijent rasta cijena proizvođača industrijskih proizvoda u mjesecu maju/svibnju 1995. godine u odnosu na prethodni mjesec je -0,030.
2. Koeficijent rasta cijena proizvođača industrijskih proizvoda od početka godine do kraja maja/svibnja je 0,129.
3. Koeficijent prosječnog mjesečnog rasta cijena proizvođača industrijskih proizvoda od početka godine do kraja maja/svibnja je 0,175.
4. Koeficijent rasta cijena proizvođača industrijskih proizvoda u mjesecu maju/svibnju 1995. godine u odnosu na isti mjesec prethodne godine je 1,041.
5. Mjesečni koeficijent rast cijena na malo u mjesecu maju/svibnju ove godine u odnosu na prethodni mjesec je -0,047.
6. Koeficijent rasta cijena na malo od početka godine do kraja maja/svibnja je -0,145.
7. Koeficijent prosječnog mjesečnog rasta cijena na malo od početka godine do kraja maja/svibnja je -0,081.
8. Koeficijent rasta cijena na malo u maju/svibnju 1995. godine u odnosu na isti mjesec prethodne godine je 0,123.
9. Koeficijent rasta prosječnih troškova života u maju/svibnju 1995. godine u odnosu na prosjek prethodne godine je -0,010.

Broj 64
9. juna 1995. godine
Sarajevo

Direktor
dr Hasan Zolić, s. r.

Narodna banka Bosne i Hercegovine

i
Zavod za platni promet
Republike Bosne i Hercegovine

Na osnovu člana 68. Zakona o unutrašnjem platnom prometu ("Službeni list RBiH", br. 5/95 i 9/95), guverner Narodne banke Bosne i Hercegovine i generalni direktor Zavoda za platni promet Republike Bosne i Hercegovine, donose

UPUTSTVO O NAČINU I POSTUPKU IZVRŠAVANJA PLATNOG PROMETA U ZEMLJI U STRANIM SREDSTVIMA PLAĆANJA

1. Platni promet u zemlji u stranim sredstvima plaćanja obavlja Zavod za platni promet Republike Bosne i Hercegovine (u daljem tekstu: Zavod) na način i po postupku koji su uređeni propisima o unutrašnjem platnom prometu koji se obavlja u dinarima, ako ovim uputstvom nije drugačije propisano.

Platni promet u zemlji u stranim sredstvima plaćanja Zavod obavlja u njemačkim markama (u daljem tekstu: platni promet u DEM).

2. Učesnici u platnom prometu u DEM su pravna lica, dijelovi pravnih lica, radnje i fizička lica koja vrše plaćanje preko računa kod jedinica Zavoda.

Fizičkim licima iz stava 1. ove tačke, smatraju se lica koja samostalno obavljaju privrednu ili profesionalnu djelatnost, ukoliko su sa jedinicom Zavoda zaključili ugovor o otvaranju računa.

3. Učesnici u platnom prometu u DEM mogu biti strana pravna i fizička lica putem banaka, koje imaju posebno odobrenje za obavljanje deviznih poslova (u daljem tekstu: banke), kod kojih otvaraju račune u skladu sa propisima kojima su uređeni uslovi i način pod kojim strana lica otvaraju dinarske i devizne račune.

Plaćanja sa deviznih računa lica iz stava 1. ove tačke prema vlasnicima računa kod jedinica Zavoda, banke izvršavaju i evidentiraju preko svojih računa (620, 621 i 623) kod nadležne jedinice Zavoda, izdavanjem naloga za prenos u svoje ime, a za račun vlasnika računa.

Plaćanja sa računa kod jedinica Zavod prema stranim pravnim i fizičkim licima koja imaju otvoren devizni račun kod banke, izvršavaju se preko računa banke otvorenog kod nadležne jedinice Zavoda.

4. Učesnici u platnom prometu u DEM raspolažu efektivnim stranim novcem u skladu sa propisima kojima se uređuje plaćanje gotovim novcem.

5. Jedinice Zavoda otvaraju račune u okviru osnovnih računa iz Plana računa za devizno poslovanje.

6. Lica koja imaju pravo otvoriti račun kod jedinice Zavoda, dužna su dostaviti:

- zahtjev za otvaranje računa,
- dokumentaciju koja se odnosi na ovlaštena lica koja mogu raspolagati sredstvima na ovom računu (karton-spesimen),
- polog efektivnog stranog novca koji ne može biti niži od 300 DEM.

Pored dokumentacije i pologa iz stava 1. ove tačke fizička lica su dužna dostaviti i odobrenje opštinskog organa o obavljanju djelatnosti, ukoliko nemaju otvoren žiro-račun u dinarima kod jedinice Zavoda.

Sredstva na računima ostvaruju se pologom efektivnog stranog novca i prilivom sredstava po osnovu bezgotovinskog plaćanja.

7. Plaćanja sa računa izvršavaju se gotovinskim i bezgotovinskim nalogima koje izdaju učesnici u platnom prometu u DEM, na obrascima i to:

1) Za gotovinska plaćanja

a) Za uplate:

- opšta uplatnica - Obrazac 10
- posebna uplatnica - Obrazac 11

b) Za isplate:

- ček - Obrazac 20
- nalog za gotovinsku isplatu - Obrazac 28

c) Za uplate i isplate:

- specifikacija valute - Obrazac 410 DLBT

2) Za bezgotovinska plaćanja

- opšti nalog za prenos - Obrazac 40

- posebni nalog za prenos - Obrazac 41
- nalog za obračun - Obrazac 42
- nalog za prenos sa računa akreditiva - Obrazac 44
- akceptni nalog - Obrazac 46
- nalog za otvaranje akreditiva - Obrazac 83
- akreditiv - Obrazac 84

3) Interni nalog jedinice Zavoda - Obrazac 50

Obrasci iz stava 1. ove tačke obavezno se precrtavaju sa dvije dijagonalno uporedne linije iz donjeg lijevog u gornji desni ugao. Obrazac 410 DLBT se ne precrta, nego se štampa crvenom bojom.

Kod popunjavanja naloga, oznaka za "dinar" (DIN) se precrta, a u polju za "iznos" upisuje se oznaka DEM, dvije linije (=), iznos u cijelim DEM, te tačka i linija (-.). Npr. DEM=100.-

8. Kod otvaranja akreditiva u funkciji i obezbjeđenja plaćanja, jedinica Zavoda je dužna u skladu sa propisima i uputstvima, na osnovu naloga dužnika, otvoriti akreditiv korisniku akreditiva - povjeriocu bez obzira da li je povjerilac u istoj ili drugoj jedinici Zavoda.

9. Akceptni nalog upotrebljava se kao instrument obezbjeđenja plaćanja i plaćanja s tim da primljeni akceptni nalog povjerilac neposredno podnosi na naplatu jedinici Zavoda kod koje se vodi račun dužnika, najkasnije na dan dospeljeća.

Akceptni nalog za čije izvršenje na dan dospelosti za naplatu, nema dovoljno sredstava na računu dužnika, jedinica Zavoda uvodi u redoslijed i izvršava ga po redoslijedu prioriteta u skladu sa propisima kojima se uređuje finansijsko poslovanje.

10. Sredstva sa računa kod jedinica Zavoda mogu se koristiti, u skladu sa propisima, za:

- plaćanje roba i usluga u zemlji,
- plaćanje uvoza roba i usluga putem banaka;
- kupovinu dinara putem banaka;
- davanje deviznih kredita i pozajmica u zemlji putem banaka;
- izvršavanje drugih plaćanja.

Kada se sredstva sa računa kod jedinica Zavoda prodaju bankama kao efektivni strani novac za dinare prenos sredstava se, u pravilu, obavlja bezgotovinskim putem.

Banka može podizati efektivni strani novac sa svog računa radi izvršavanja obaveza prema Narodnoj banci Bosne i Hercegovine, održavanja tekuće likvidnosti u plaćanjima prema inostranstvu, kao i za druge potrebe u skladu sa propisima.

11. Stupanjem na snagu ovog uputstva prestaje da važi Uputstvo o načinu i postupku izvršavanja domaćeg platnog prometa u stranim sredstvima plaćanja ("Službeni list RBiH", br. 16/94 i 28/94).

12. Ovo uputstvo stupa na snagu danom objavljivanja u "Službenom listu RBiH".

G broj 01-422/95
5. juna 1995. godine
Sarajevo

Guverner
Narodne banke BiH,
Kasim Omićević, s. r.

G broj 1-1228/95
5. juna 1995. godine
Sarajevo

Generalni direktor
Zavoda za platni promet RBiH,
Safet Proho, s. r.

SLUŽBENE OBJAVE

PROGLAŠENJE UMRLIM

Osnovni sud u Maglaju poziva MUMINOVIĆ RASIMA sina Rame i majke Fatime rod. Muhamedović, rođenog 2. marta 1942. godine u Bradiću opština Maglaj, da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti Muminović Rasima da se javi ovoj sudu u istom roku. Umrli Muminović Rasim je navodno umro 25. 6. 1993. godine u Maglaju.

Po isteku roka oglašavanja bit će proglašen umrli Muminović Rasim. (so-407/95)

Kod Osnovnog suda Tuzla u toku je postupak po prijedlogu Hodžić Rize, sina Rame iz Podorašja bb, Opština Srebrenik radi dokazivanja smrti HODŽIĆ NOVALIJE, sina Rize i majke Have rođene Kavazović, rođenog 6. 5. 1967. godine u Podorašju Opština Srebrenik, gdje je i bio nastanjen, a koji je poginuo dana 29. 6. 1992. godine na Tinovom brdu Opština Hadžići.

S obzirom da tijelo poginulog Hodžić Novalije nije dostupno njegovoj porodici i pokrenut je postupak radi dokazivanja njegove smrti.

Poziva se svako lice koje o smrti Hodžić Novalije nešto zna da se javi ovom sudu ili njegovom privremenom staratelju Hodžić Rizi sinu Rame iz Podorašja bb, Opština Srebrenik u roku od 30 dana od dana objavljivanja ovog oglasa u "Službenom listu RBiH". (so-403/95)

RAZVOD BRAKA

Osnovni sud u Maglaju po sudiji Bakiru Ljuboviću, kao predsjedniku vijeća, u pravnoj stvari tužiteljice Drča rod. Pavlović Mirjana iz Maglaja, protiv tuženog Drča Dragana iz Crvenke, radi razvoda braka, izdaje dana 14. 6. 1995. godine slijedeći

OGLAS

Za privremenog zastupnika tuženom Drča Draganu iz Crvenke, postavlja se privremeni zastupnik Hasančić Amira iz Maglaja ul. Radnička broj 17 koja će zastupati tuženog u postupku razvoda braka koji se vodi kod Osnovnog suda u Maglaju pod brojem P. 11/95 sve dok se tuženi ili njegov punomoćnik ne pojavi pred sudom. (so-413/95)

PEČATI-ŠTAMBILJI

Oglašava se nevažećim pečat "Unioninvest" holding d. d. Sarajevo, kvadratnog oblika sa zaobljenim uglovima, dimenzije 3x3 cm kojem je u lijevom gornjem uglu ucrtan zaštitni znak Unioninvesta (kvadrat u kojem je u većem slovu U ucrtano manje slovo U a u njemu dva II). U sredini pečata velikim slovima je upisano UNIONINVEST HOLDING d. d. p. o. SARAJEVO. U desnom donjem uglu je upisano slovo R u krugu, a u sredini donjeg dijela pečata je broj 7. (so-409/95)

Oglašava se nevažećim okrugli pečat, prečnika 29 mm sa tekstom: Preduzeće u društvenoj svojini "Unipromet" Sarajevo 4. (so-405/95)

PUTNE ISPRAVE

Ministarstvo unutrašnjih poslova objavljuje nevažećom slijedeću putnu ispravu:

broj BH 041493 izdat 08. 03. 1994. g. u MUP Zenica na ime SMILKADIĆ SENAD. (so-404/95)

Ministarstvo unutrašnjih poslova objavljuje nevažećom slijedeću putnu ispravu:

broj BH 309840 izdat 08. 10. 1993. g. u Ambasadi RBiH u Zagrebu na ime HASANČEVIĆ IBRAHIM. (so-411/95)

Ministarstvo unutrašnjih poslova objavljuje nevažećom slijedeću putnu ispravu:

- pasoš broj BH 073904 izdat 17. 03. 1993. godine u Generalnom konzulatu RBiH u Istanbulu, na ime HALILOVIĆ RIZVAN. (so-414/95)

Ministarstvo unutrašnjih poslova objavljuje nevažećom slijedeću putnu ispravu:

- pasoš broj BH 317651 izdat 14. 10. 1993. godine u Ambasadi RBiH u Zagrebu, na ime DŽINIĆ MEVLUDIN. (so-415/95)

REGISTRACIJE

Upisuje se u Registar predstavništava stranih lica u Republici Bosni i Hercegovini pod brojem: RPSL-18, predstavništvo firme "B. H. Mühendislik ve Mısavirlik" - Istanbul sa slijedećim podacima:

1. "B. H. Inženjering i konzalting" - Istanbul, Predstavništvo u Sarajevu, Danijela Ozme broj 4.

2. Djelatnost predstavništva je:

- uspostavljanje saradnje sa preduzećima u RBiH,
- razmjena informacija o aktuelnim poslovima u zemlji i inostranstvu,

- pripremanje Ugovora o zajedničkom nastupu sa preduzećima iz RBiH u zemlji i inostranstvu,

- pripremanje inženjering i konzalting poslova iz okvira osnovne djelatnosti preduzeća.

3. Lice ovlašteno za potpisivanje u ime Predstavništva je Pitić Huso, dipl. ing. iz Sarajeva.

4. Datum upisa u Registar 30. 05. 1995. godine.

Predstavništvo može početi sa radom. (so-408/95)

LIČNE ISPRAVE I DOKUMENTI

DA BI SE IZBJEGLA SVAKA ZLOUPOTREBA SLIJEDEĆA DOKUMENTA SE OGLAŠAVAJU NEVAŽEĆIM

SARAJEVO

Hasić Enes, vojna knjižica br. 3304669 izdata od SNO Živinice 6639
Bešić Ingmar, vojna knjižica br. 3471514 izdata od SNO Novi grad Sarajevo 6640
Muslić Alija, vojna knjižica br. 3472402 izdata od SNO Novi grad Sarajevo 6641
Milišić (Ismeta) Ishak, vojna knjižica br. 2285002 izdata od SNO Ilidža 6642
Čavčić Avdo, devizna štedna knjižica br. 046261-9 izdata od Central banke Sarajevo 6643

Tufo Sanela, pasoš br. 298321 od 22. 11. 1993. godine izdat u Sarajevu 6644
Alibegović (Zijada) Amer, vojna knjižica br. 3471323 izdata od SNO Novi grad Sarajevo 6645
Hasović Dževad, akreditacija br. A - 0438 izdata od MUP Sarajevo 6646
Salčić dr Čazim, devizna štedna knjižica br. 740/80-72710-802/33 izdata od Ljubljanske banke Sarajevo 6647
Imamović Alija, radna knjižica izdata od SO Stari grad Sarajevo 6648
Mehmedika Jusuf, radna knjižica izdata od SO Ilidža 6649

Lastro Smiljana, svjedoč. od I do IV razreda i diploma završnog ispita Ugostiteljsko-turističke škole Sarajevo	6650	Dervisević Amir, diploma Filozofskog fakulteta Sarajevo, br. 3953/79 i uvjerenje o položenim ispitima br. 17568	6685
Džuho Edin, vojna knjižica br. 3466715 izdata od SNO Novi grad Sarajevo	6651	Mešinović Haris, diploma Filozofskog fakulteta Sarajevo, br. 8570/93 i uvjerenje o položenim ispitima br. 3174/85	6686
Beganović (Alije) Edib, vojna knjižica br. 1984624 izdata od SNO Centar Sarajevo	6652	Mujanović Jasminka, radna knjižica izdata od SO Novo Sarajevo	6687
Miličević Slobodan, vojna knjižica br. 1990086 izdata od SNO Centar Sarajevo	6653	Bećirović (Suljo) Dževad, vojna knjižica br. 1150107 izdata od SNO Novo Sarajevo	6688
Suljuzović Vinko, radna knjižica izdata od SO Vareš	6654	Planinšek Davor, vojna knjižica br. 3463723 izdata od SNO Novi grad Sarajevo	6689
Alagić Enver, radna knjižica izdata od SO Novi grad Sarajevo	6655	Kulić Sejad, pasoš BH 036083 izdat 17. 08. 1994. godine u Sarajevu	6690
Hamzagić Firdus, pasoš BH 014690 izdat 28. 07. 1994. godine od MUP Sarajevo	6656	Kapo Lejla, indeks Pravnog fakulteta Sarajevo	6691
Gadžo Fuad, vojna knjižica br. 1231816 izdata od SNO Stari grad Sarajevo	6657	Berberović Džemal, vojna knjižica br. 1239007 izdata od SNO Stari grad Sarajevo	6692
Imamović Amela, indeks Više medicinske škole Sarajevo, broj 334/88-F	6658	Piknjač (Himze) Amir, vojna knjižica br. 3382955 izdata od SNO Vogošća	6693
Haverić Madžida, pasoš BH 001447 izdat 27. 01. 1993. godine od MUP Sarajevo	6659	Kamberović Lutvo, vojna knjižica br. 1236744 izdata od SNO Stari grad Sarajevo	6694
Livnjak Samir, vojna knjižica br. 1983629 izdata od SNO Centar Sarajevo	6660	Izetbegović Engena, radna knjižica izdata od SO Stari grad Sarajevo	6695
Bajramović Edin, vojna knjižica br. 1986048 izdata od SNO Centar Sarajevo	6661	Mihajlović Aleksandra, radna knjižica izdata od SO Novo Sarajevo	6696
Jaganjac Zicrija, dinarska štedna knjižica br. 597344-7 izdata od Central banke Sarajevo	6662	Džono (Sulje) Nedžad, vojna knjižica br. 1231882 izdata od SNO Stari grad Sarajevo	6697
Kurgaš Mesud, završno svjedočanstvo Ugostiteljsko-turističke škole Sarajevo	6663	Odžak Senad, vojna knjižica br. 1983743 izdata od SNO Centar Sarajevo	6698
Alendar Aida, radna knjižica izdata od SO Novi grad Sarajevo	6664	Zubčević rod. Kulenović Suzana, radna knjižica izdata od SO Novo Sarajevo	6699
Marinić Nikola, diploma Ekonomskog fakulteta Sarajevo, br. 39752/85	6665	Česir Kasim, radna knjižica izdata od SO Centar Sarajevo	6700
Ferizaj (Ramadana) Ismet, vojna knjižica br. 3464051 izdata od SNO Novi grad Sarajevo	6666	Arapović Sedija, radna knjižica izdata od SO Novi grad Sarajevo	6701
Hukara (Hasana) Edhem, vojna knjižica br. 3467833 izdata od SNO Novi grad Sarajevo	6667	Kadić Mirela, indeks Pravnog fakulteta Sarajevo	6702
Čordalija Ahmed, vojna knjižica br. 1154389 izdata od SNO Novo Sarajevo	6668	Panjeta (Rasim) Nijaz, vojna knjižica br. 5501244 izdata od SNO Trnovo	6703
Ljaljaj Zeko, vojna knjižica br. 1150930 izdata od SNO Novo Sarajevo	6669	Jusupović Adis, vojna knjižica br. 3475264 izdata od SNO Novi grad Sarajevo	6704
Hrnjić Haris, vojna knjižica br. 8803034 izdata od SNO Hadžići	6670	Čar Džemo, radna knjižica izdata od SO Ilidža	6705
Zupčić (Rizah) Reuf, vojna knjižica br. 1154379 izdata od SNO Novo Sarajevo	6671	Porobić-Vićić Ana, diploma Više upravne škole Sarajevo, br. 10331	6706
Džindo Damir, vojna knjižica br. 3382468 izdata od SNO Vogošća	6672	Porobić Tomo, diploma Više ekonomsko-komercijalne škole Sarajevo, br. 2339	6707
Malagić Sadbera, svjedočanstvo završnog razreda i diploma Srednje ugostiteljsko-turističke škole Sarajevo	6673	Pintol Zijo, radna knjižica izdata od SO Ilidža	6708
Karup Hasan, radna knjižica izdata od SO Centar Sarajevo	6674	Abaz Muniba, indeks Pravnog fakulteta Sarajevo	6709
Asotić Džemaludin, pasoš BH 590678 izdat 28. 11. 1994. godine od MUP Sarajevo	6675	Mujanović Muris, pasoš BH 580839 od 05. 11. 1994. godine izdat u Sarajevu	6710
Miletić Gordan, diploma Arhitektonskog fakulteta Sarajevo	6676	Arnaulčić Gordana, radna knjižica izdata od SO Vogošća	6711
Savić Vera, pasoš BH 005599 izdat 18. 05. 1994. godine od MUP Sarajevo	6677	Selimović Izet, vojna knjižica br. 346781 izdata od SNO Novi grad Sarajevo	6712
Konjić Halid, diploma Veterinarskog fakulteta Sarajevo, br. 632/74	6678	Selimović Hamza, vojna knjižica br. 1984129 izdata od SNO Centar Sarajevo	6713
Hadžiahmetović Salem, radna knjižica izdata od SO Novo Sarajevo	6679	Martić Mirko, vojna knjižica br. 1980544 izdata od SNO Centar Sarajevo	6714
Husković Halim, radna knjižica izdata od SO Stari grad Sarajevo	6680	Jusović Safet, vojna knjižica br. 1981787 izdata od SNO Centar Sarajevo	6715
Kurtagić Dušanka, radna knjižica izdata od SO Novo Sarajevo	6681	Kokor (Šime) Tomo, diploma Ugostiteljske škole Sarajevo, VKV konobar	6716
Šimat Vjekoslav, dinarska štedna knjižica br. 157444-7 izdata od Central banke Sarajevo	6682	Čindrak (Safeta) Mirsad, vojna knjižica br. 1154712 izdata od SNO Novo Sarajevo	6717
Prazina Mevla, radna knjižica izdata od SO Centar Sarajevo	6683	Krstulović (Zvonimir) Branko, vojna knjižica br. 1158105 izdata od SNO Novo Sarajevo	6718
Gagula Amel, službena legitimacija br. 64201 i službena akredit. br. C-0547 izdata od MUP Sarajevo	6684	DP UPI "SIMES", rješenje za rad u ratnim uslovima br. 03-374-783/94 od 19. 04. 1994. godine izdato od SO Novo Sarajevo	6719

Tanović Nermana, diploma Ekonomskog fakulteta Sarajevo	6720	VISOKO	
Arslanagić-Zuban Jasmina, radna knjižica izdata od SO Ilidža	6721	Lemeš-Hadžić Jasmina, radna knjižica izdata u Visokom	36
Marković Dijana, diploma Ekonomskog fakulteta Sarajevo	6722	Grbešić Azra, radna knjižica izdata u Doboju	37
Marković Slavica, diploma Prirodno-matematskog fakulteta Sarajevo	6723	Buza Alija, radna knjižica izdata u Visokom	38
Kondo Sabaha, devizna štedna knjižica br. 1657043 izdata od Kreditne banke Sarajevo	6724	Tatar Ali, vojna knjižica broj 4333338 izdata u SNO Visoko	39
Numanović Rasim, lična karta br. 828/95 izdata od MUP Stari grad Sarajevo	6725	Ahmić Zulka, radna knjižica izdata u Visokom	40
Cviko Fahira, radna knjižica izdata od SO Goražde	6726	Karavelić Senad, vojna knjižica broj 4330312 izdata u SNO Visoko	41
Hasić Jasmin, vojna knjižica br. 1232135 izdata od SNO Stari grad Sarajevo	6727	ZENICA	
Kapo Kemo, vojna knjižica br. 2284845 izdata od SNO Ilidža	6728	Halilović Zahida, radna knjižica izdata u Zenici	102
Skramončin Zdenka, radna knjižica izdata od SO Novo Sarajevo	6729	Kalabić Jasmin, radna knjižica izdata u Doboju	103
Selimović Samir, indeks Pravnog fakulteta Sarajevo	6730	Nedžibović Ahmet, radna knjižica izdata u Zenici	104
Imširević Nermina, radna knjižica izdata od SO Novo Sarajevo	6731	Hajduković Izet, vojna knjižica broj 4914418 izdata u Kaknju	105
Pezo Fikret, vojna knjižica br. 1983918 izdata od SNO Centar Sarajevo	6732	Hajrulahović Fuad, pasoš broj BH 296383 izdat u SJB Maglaj	106
Dževlan Atif, vojna knjižica br. 1231630 izdata od SNO Stari grad Sarajevo	6733	Hrnčić Hajrudin, radna knjižica izdata u Ključu	107
Kilić Dženana, radna knjižica izdata od SO Stari grad Sarajevo	6734	Smajlović Husein, radna knjižica izdata u Tesliću	108
Dumanjić Elmedin, vojna knjižica br. 3471185 izdata od SNO Novi grad Sarajevo	6735	Čančar Ibrahim, radna knjižica izdata u Zenici	109
Ajanović Asim, radna knjižica izdata od SO Novo Sarajevo	6736	Huskić Šemsudin, radna knjižica izdata u Doboju	110
Ovećina Ferid, radna knjižica izdata od SO Jajce	6737	Šahović Senad, radna knjižica izdata u Foči	111
		Mujezinović Hasan, radna knjižica izdata u Višegradu	112
		Kahriman Munevera, radna knjižica izdata u Zenici	113
		Kartal Senada, radna knjižica izdata u Bos. Petrovcu	114
		Handanagić Vahid, radna knjižica izdata u Sanskom Mostu	115
		Budićlić Smajo, radna knjižica u Zenici	116
		Kulenović Jasna, radna knjižica izdata u Ključu	117
		Tica Asad, radna knjižica izdata u Vitezu	118
		Ilić-Hrnjić Olivera, radna knjižica izdata u Sarajevu	119

SADRŽAJ

275 Odluka o obustavi od izvršenja akta odnosno radnje Skupštine općine Konjic od 10. 04. 1995. godine kojim je utvrđeno da Cero Mehmed, Sead Ribić i Muharem Kozić imaju status odbornika u Skupštini općine Konjic	609	Saopštenje - saopćenje o prosječnoj bruto plaći zaposlenih u Republici BiH za april/travanj 1995. godine	612
276 Uputstvo o znacima opasnosti i postupcima gradana dok traju te opasnosti za vrijeme ratnog stanja	609	Koeficijenti rasta cijena i koeficijenti rasta troškova života u RBiH u maju/svibnju 1995. godine	612
277 Uputstvo o načinu obračuna i plaćanja poreza na plaću i doprinosa za socijalno osiguranje	610	NARODNA BANKA BOSNE I HERCEGOVINE I ZAVOD ZA PLATNI PROMET REPUBLIKE BOSNE I HERCEGOVINE	
Ispravka Uredbe o upisu u sudski registar preduzeća i drugih pravnih lica koja obavljaju privrednu djelatnost	611	Uputstvo o načinu i postupku izvršavanja platnog prometa u zemlji u stranim sredstvima plaćanja	612
DRŽAVNI ZAVOD ZA STATISTIKU			
Saopštenje - saopćenje o prosječnoj plaći za april/travanj 1995. godine	612		

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470; fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe krajnjoj ličnoj potrošnji, te ne podliježe plaćanju poreza trgovine na malo.